


## BAHEBRAYO, CHIPATI CABILI 3

 Chipati ca 7, 8, 9, a 10, kuzwa omuya, oh, ma! Koba a penso a pepa lyako, a zintuzyonse, kazibambidwe, nkambo Ndi syoma kuti Mwami uyo tupa ciindi cibotu. Lino tuli . . .

218 Paulo ula musumpula a kumubikka, mubusena, Mwami Jesu. Lino, ikuti na twa mana sunumasiku aya, Munsondo kuseeni . . . Kwalo bunji bwa ceeci ciya kunjilana ncobeni a Mulumbe wa Munsondo kuseeni, nkaambo “nkwandaanya sabata.” Oyo ngo mubuzyo mupati akati ka basi Sabata sunu. Alimwi Nda mutamba nyoonse kuboola kuseeni Munsondo. Nkambo, oko kululeme, Mujibelo na Munsondo, bwa kukumba? Ino Bbaibbele lyaamba nzi kujatikizya nkuko? Alimwi aboobo mpawo, naa i . . . Eli Bbuku lyandaanya mulao a luzyalo, alimwi Li bikka cimwi acimwi mu busena bwaco. I Bahebrayo bakakomezegwa ku mulao, nkabela Paulo wakali kubaambila eco luzyalo nco lwakacita, a mulao.

219 Lino, atu jane buyo matalikilo masyoonto lino. Tula talika alimwi.

220 Akwalo, Ndi jisi magilazi akubalila. Ndiza Nda konzya . . . Ikuti na Nda cibamba ii—ii kuyutuka sunumasiku, Nda ajisi. Nywebo mulizi kuti Ndili onse . . . Ndi bulizya buyo myaka yobilo yakuba myaka ili makumi osanwe yakukomena, nkabela Nse boni mbuli Mbwe kali kucita, mumsi kuli ndime. Cindi kukubona kwangu . . . Nda katalika kubona mabala angu kutaboneka kabotu, Nda kayeeya kuti Nda kali kuyo ofwaala. Nda kainka ku kulangwalangwa. I dokota wakati, “Peepe. Wa kainda buyo makumi one, mulombe.” Ee, wa kati, ikuti na Nda pona kuba mudaala nconzyo, kwayanda kuya kujokela alubo, kuba akoko kukubona kufwaafwi alubo. Wa kati, “Lino, inga wabala Bbaibbele lyako ikuti na wali tantamuna kuzwa kuli nduwe?”

221 Nda kati, “Iyi.”

222 Kati, “Kwaakwinda kaindi, kuboko kwako taku kalampi loko.”

223 Elyo aboobo Ndila—Ndila syoma lino, mu kubala oku, kuti Mebo . . . Eli Bbaibbele liniini lyakwa Collins lijisi bulembo bwamusela mupati muli ndilyo. Inga ndacikonzya kabotu loko. Pele cindi twa boola omuya mu masena, mapati asakene oko nko twa kabweza Cizuminano Cipy a Cakale, a kuzisanganya antoomwe. Ndili jisi lya Scofield liniini. Alimwi Nda kazibila ku Bbaibbele lya Scofield, akulembwa kwalyo. Nse bali kulembwa kuniini kwa Scofield lino, nkaambo Nse zuminani a Scofield ku lwiiyo lwakwe—lwake lunji. Pele Ndila—Ndila bubotelwa bubambe bwalyo, nkaambo buli . . . Nda kali bujisi kwa ciindi

cilamfu, a ku bubala, a kunji loko, kusikila Nda kabaanga ndaziba nzila ya kujana ciyo cangu.

224 Oku koonse nkupya kuli ndime, kwa kwiya, alimwi Nseli mwiya ukubwene. Pele, amukakatile a ndime kwakaindi kaniini, Njo mwaambila Bwini, kuciimo mbuli Mbwe Bu zyi, nekuba.

225 Lino, eli Bbuku ndya Paulo, mula yeeya, wa kali. . . Twa kamujana buti? Wa kali mwiya mulemu, ku matalikilo, na sicikolo mulemu. Alimwi wa kaiya mu Cizuminano Cakale. Sa umwi inga wandaambila lino oyo ngo twa kajana kuti wakali mwiya wakwe? [Mbunga yaamba, “Gamaliyeli.”—Mul.] Gamaliyeli, umwi wa bamaiyi bakazizizlwe kabotu wa buzuba. Elyo mpawo Paulo, tu jana kuti, buzuba bumwi. . .

226 Katana kwiitwa kuti *Paulo*, sa umwi inga wandaambila zina lyakwe mbo lyakabede? [Mbunga yaamba, “Saulo.”—Mul.] Saulo. Elyo wa kali mweendelezi mupati mu Jerusalemu, bweendelezi bwa bukombi. Elyo wa kayutuka mbuli ii—mbuli muntu mukombi, wakayiisigwa kabotu. Wa kali kukonzya kwaambaula mu zisyobo zyone na zyosanwe zyandeene, alimwi kali muntu musongo kapatu. Ee, sena lwiiyo a busongo bwakwe zyaka mugwasya? Peepe. Wa kati wa kacita kuluba koonse nkwa kazyi, kutegwa kaiya Kristo.

227 Aboobo tu jana kuti, mpawo, tacitoli kuba muntu musongo na muntu uyiide. Ci tola ii—ii muntu ulibambilide kulibombya mwini kumbele lya Leza, kutalanganya nzila.

228 Sena mwakalizi kuti Dwight Moody taka—taka yiide loko mane, kukusyomeka, malembo akwe akali aciwa caansi mbuli Mbwe tazyi cintu. Ba kacita kubamba milumbe yakwe, ciindi coonse. Wa—wa kali mulembi waansi, wataka yiide loko.

229 Sena mwakalizi kuti Petro a Johane, bamu Bbaibbele, tiiba kayiide loko mane teeba kakonzya nokuba kulemba mazina abo, a kuta aziba nakabikkwa kumbele lyabo? I Muapostolo Petro, oyo waka jisi zijaluzyo zyaku Bwami, taka lizyi zina lyakwe kalilembedwe kumbele lyakwe. Amu ciyeeye. I Bbaibbele lyakaamba, kuti, “Wa kali muntu buyo wata kayiide.” Aboobo, eco ncindipa coolwe. Amen. Iiyi, munene. Eco cilaselemuka ncobeni, kujana kuti Leza waka konzya kucita cecoco ku muntu.

230 Lino, alimwi tu jana kuti, Paulo mbwa kalujanina buyo luzibo lwakwe. . . Ndi yanda kumu buzya. Sa nduzibo lwa kuboola kuli Kristo? Sena onse ujisi luzibo? [Mbunga yaamba, “Iyi.”—Mul.] Iiyi, munene. Iiyi, munene. Nku zyalwa. Lwalo nduzibo. Elyo aboobo twa kali mu Kkolegi yabana Luthareni, kutali ciindi cilamfu cainda. . .

231 Nda jisi coolwe masikati aya, akumamanino, elede kuba kokuya aa twelufu okuloko, ku cisusulo a—a Tom Haire. Mbangaye bakasola ku mumvwa, silumamba, muna Irish, wa mipailo? Alimwi wa kali a oyu Mukwesu Epp, aa bubambe bwakwe, a kubonekela awa mu masena manji mu America.

Alimwi Nda lya cisusulo a nguwe sunu. Alimwi twa li. . . Ndali mukide kutandila buyo maora otatwe. Yali kutandila ku thrii theeti, kkota kusika ku foo, cindi ni twalya. Pele konse kwakali kabotu. Alimwi twali kubandika aa zintu ezi, obo Jesu Kristo mbwali Mutwe wa zintu zyonse.

<sup>232</sup> Lino, cindi Paulo naka ziba ceeco, wa kajisi olu luzibo. Elyo mpawo katana kuzumina olu luzibo, lwa keelede kupilukila ku Bbaibbele. Alimwi twa kajana kuti wa—kuti wa kaunka akuyo njila cisi cimbi, nkabela okuya wa kakkala kwa myaka yotatwe, kalingula Lugwalo, kubona na luzibo lwakwe lwakali kabotu.

<sup>233</sup> Lino, tula mvwisya kuti wa kajisi cintu cipati cakulanganya. Wa kacita kujokela a kwaambila mbungano yakwe, bantu boonse, zintu nzyoonya nzyakali kupenzya zyakali luleme.

<sup>234</sup> Sena mwaka kayandika kucita cintucimwi mbuli ceeco? Nincobeni, kutandila boonse baka cicita, kacita kupilukila a kwaamba kuti, “Balo bantu mbo twakaita kuti ‘babumbulusi basalala,’ boola kujana kuti, bakali luleme.” Mwabona? Nce ncico. Twa kacita kunyona. Elyo zintu nzo twa kali kusulaika ciindi cimwi, tula ziyanda lino. Kwalo nkusanduka, cintu ceenzu, cigambya.

<sup>235</sup> Lino, Nda amba kaambo ako, ka “mubumbulusi uusalala.” Takukwe cintu cili boobo. Takukwe cintu cili boobo. Pele, ba kaita bantu obo, bantu babusalali. Pele takukwe babumbulusi basalala. Takukwe cintu cili boobo. Taakwe bulunguluzi bwa mbungano imwi yaka sola kulemba mbuli obo, kuciimo Mbwe konzya kubona, kwa cintucimwi ca myaanda ili fuka amakumi ali cisambomwe, tubungwe twandeene. Takukwe cintu mbuli kabungwe ka kabumbulusi kasalala. Ndi zina ii—ii buyo dyabulosi ndya kanamatika aa Mbungano.

<sup>236</sup> Pele ba kabaita, mu buzuba obo. . . Mbangaye bazyi mboba kabaita mu buzuba bwa Paulo? Basibuzumini bakazya. Sa mulizi *sibuzumini* ukazya nco lyaamba? “Unyongene.” Balo mbantu banyongene. Aboobo, Ndi laafwi kwiitwa kuti “mubumbulusi uusalala” mbuli “sibuzumini ukazya.” Inga teemwacita? Aboobo ikuti ba—ikuti ba kaitwa boobo, nkabela bakatangala!

Alimwi ncinzi Jesu nca katwaambila kucita kujatikizya ncico? Wa kati, “Amusekelele a kukkomana kapati; nkambo bulumbu bwanu mbupati ku Julu, nkambo mbubonya mboba kapenzya basinsimi baka musaangunina.” Ba ka cicita.

<sup>237</sup> Kati ku, “Amukkomane kapati.” Kufumbwa *cintucipati* kapati “cila sumpulwa atala,” kubotelwa loko. Elyo basikwiiya, cindi niba kajanika kweelela kuyumuna sampu lya Zina lya Jesu, ba kasekelela a lukondo lupati kuti baka konzya kuyumuna sampu lya Zina Lyakwe.

238 Alimwi sunu, bantu banji sunu, ikuti na ba citika kubaita kuti mbabumbulusi basalala inga bayoowa, “Ma! Ndiza Nse kaluleme, ku matalikilo.”

Pele baka botelwa kujatikizya ncico, “Oh, ma, kuyumuna Zina!”

239 Elyo lino, mu sentuari yabili, ba kaitwa kuti “*basikubbala ziingano*.” Nce ciindi Banakristo nibakali kubbala ziingano kusule lyabo, ku kutondezya kuti baka bambulwa antomwe a Kristo. Ba kabaita kuti *basikubbala ziingano*. Lino Ndi lizi kuti ba Katolika bala liita beni obo, pele eyo tii yakali mbungano ya Katolika. Ya kali mbungano ya Protestanti kaitana kwiitwa kuti mbungano ya Protestanti. Ya kakazya buyo cibi. I kaambo nce yitwa kuti mbungano ya Protestanti sunu nkaambo ya kakazya i—i kayanza kabuzumini bwa Katolika. Pele kuli ii. . . Yalo, cili, tii yakali ya kakamu kakapambukide ku ciindi eco, ba kabali kwiitwa kuti *basikubbala ziingano*.

240 Amu kajane buyo makani aa Josephus a balembi bambi, a *Two Babylons* ya Hislop, amwi ambi, nkabela muya kujana kuti eco cili luleme, kuti tiiba kali mbungano. I mbungano ntaanzi yakabunganisigwa, lyoonse yakali, yakali mbungano ya Katolika, kutandila myaka ili myaanda yotatwe, ku mwaakwe wa—wa baapostolo bamamanino. Kutandila myaka ili myaanda yotatwe niyakainda, mbungano ya Katolika yaka bunganisigwa. Elyo kupenzegwa kwakatalika kuzwa awo, a kusungilizya bantu mu mbungano ya Katolika, alimwi bakali jisi mbungano a cisi, zyakakamantana.

241 Oko kwakali nikwakainda, oko kwakali kutegwa kusanduka kwa Constantine, kuzwa ku bupagani kuyaku Bunakatolika. Pele, ikuti umwi wakasola kubala makani akwe akale, ta kasandulwa, zintu nzya kacita. Oh, ma! I cintu biyo nca kasola kucita cabukombi cakali ca kubikka ciingano aa mbungano ya Musalali Sophia. Eco nce cintu luzutu nca kasola kucita, kalicengeezya nokuba kuba mukombi. Wa kali ii—ii muzangi. Pele ba kwiita kuti nkusanduka kwakwe—kwakwe. Kutandila buyo kweelanya a kumwi kutegwa nkusanduka kwasunu.

242 Lino, pele, tu jana kuti, cindi Paulo nakasanduka nkabela waka jisi luzibo olu lwini, wa kanyonwa ncobeni.

Alimwi, nywebo mulizi, *kusanduka* caamba “kunyonwa.” Yebo uunka *eyi* nzila, elyo wanyona a kutalika kupilukila *eyi* nzila. Iiyi, munene. Kwalo nkunyonwa, kujatikizya busyu.

243 Elyo Paulo, mbwa kasandukila biyo, katana konzya kusola kubamba luzibo lwakwe. . . Lino, wa kajisi luzibo lubotu kapatu.

Lino, Ndila syoma, kuti cindi watambula Kristo, mbuli buyo Mufutuli wako wacigaminina, lwalo nduzibo. Ndila syoma kuti, lutangalo lwa kuziba kuti cibi cako cajatilwa, ubotelezya moyo wabo ncobeni, mu bube boonse.

244 Pele mpawo cindi Muuya Uusalala ulelekedwe waseluka, olo nduzibo, oko Nkuzyalwa kupya, cakuti toka lubi. Uba Mwana wa Leza. Elyo nceeci cintu nco kucita.

“Mbobuti mbo ciziba, Mukwesu Branham?”

245 Lino, ezi ziiyo zya kwiiya. Bantu banji, ba Methodisti, basola kwaamba kuti, “Ba kaongola cindi nibaka Uta mbula.” Ee, oko kuli kabotu. Ikuti na mwaka Uta mbula, a koongolola, ncibotu. Nkaambo mwa kaongolola, tii cakali citondezyo cakuti mwakali Ujisi, nkaambo banji bakaongolola nkabela tiibaka Uta mbula.

246 Iba Pentekoste bakati, “Ba kaamba mu myaambo. Ba ka Uta mbula.” Oko kuli kabotu. Ikuti na mwa kaambaula mu myaambo, nkabela mwaka Uta mbula, kuli kabotu. Pele inga mwaambaula mu myaambo nkabela nekubaboobo kamuta Ujisi. Mpawo?

247 Aboobo, nywebo mwabona, kwalo, nduzibo lwa kuzwa ku lufu kuya ku Buumi; cindi zyonse zintu zyakaindi zyafwa, a zyonse zintu zyaba zipya. Kristo waba kasimpe. I zintu zyakaindi zyakaloka, miyanda yakaindi ya businyama. Mulizi na nzila ya kusya muyanda? Twa kali kubweza jamba lyakuyangya kusya buyo kuli nguwo, a kuusya mane tii kwacili kabeela kakasyaala muli nguwo. Elyo ba kati, “Ikuti na kuli muyanda umwi wa ndulwe usonsa muli nduwe, kubuyanga kuzwa.” Mbo mbubo. Eco ncencico Muuya Uusalala nco ucita, kugusya miyanda yoonse. Kwiisya kuzwa. Kwi ilundika; aku yuumpa. Kwi gusya. Muya kuba azisyangzo zili kabotu mpawo, ikuti na twa cita obo.

248 Lino, Paulo wawalizi kuti cintucimwi cakacitika, aboobo wa kajokela kumusanza mu Arebiya, elyo okuya wa kaiya kwa myaka yotatwe ali boonse basinsimi ba Cizuminano Cakale, nzila mboba kasinsima. Elyo wa kajana kuti Bwa kali Bwini ncobeni.

249 Lino, amweezyanisye eco a sunu, mwabona, aa luzibo olu ndo twa kajisi okuno ku mbungano eyi niini: lwa Nyenyeezi yaku Bucedo kalibonya kutala, oyo Mumuni mupati wakaseluka, oyo wakakonzya kwaamba zyakumbele a kutondezya zya keelede kucitika. Nywebo mulizi, eco ncibotu kapati. Pele mukwesu uukutauka waka ndaambila kuti, “Ya kali ya dyabulosi.” Elyo Nse—Nse kakonzya kucimvwisya.

250 Aboobo, Nse kaamba cintu kujatikizya ncico kusikila busiku bumwi, kwakali luzibo lwaka citika kutala okuya ku Green’s Mill, Indiana, cindi Angelo wa Mwami nakeenda aa cibuye a kwiima alya, a kucitondezya ku Lugwalo. Mpawo lwa kayasya mulilo. Mpawo lwa katalika kweenda.

251 Alimwi kutali kulamfu mbuli Munsondo mwainda, twa kabona impa zitakakilwi zya Jesu Kristo, Nguni ukonzya kubweza muntu wata kalina kweenda, nkabela taka... Kusitikila kwansinga zyakwe zyakuyeyela kwakali manide, cindi ba Mayo a bamadokota basyomwa ni bakati, “Kwa mana,

kwalyonse.” Elyo kakukkede moofu; wakabuka a kweenda kuzwa mu buyake, kaya butonta whiluceya yakwe ansi lya matantilo, kakonzya kweenda a kubona mbuli bamwi bambi. Eco citondezya kuti ni nguzu zya Mwami Jesu wakabuka. Nceeco we. Ngu mbobuca nguwenya, sunu, amuya myaaka.

<sup>252</sup> Sa tatuli nkamu ikkomene sunumasiku, ku ziba kuti Leza waka simpikizya olu luzibo lupati ndo tu jisi, lweelede kweezyanisigwa mu Bbaibbele Lyakwe a zisyomezyo? Nkikaako twe elede ku botelwa kapati. Elyo tula mvwisya mpawo, kuti mu chipati ca 2, tu jana kuti, “Ta tweelede kulekela zintu ezi . . . Ta tweelede kuunduluzya ku zintu ezi.” Twe elede kujatilila ku zintu ezyo.

*Alimwi mbo buti mbo tuya ku yokoka, ikuti na  
twaunduluzya lufutuko lupati luli boobo; . . .*

<sup>253</sup> Ino tuyo cita nzi, mu mumuni wa Ijwi lya Leza, cindi twa kwiimikila ku Mungwala wa Lubeta? To konzyi kwaamba kuti, “Nse kaziba lwandaano lumwi.” Oh, iyyi, wa kacita. “Ee, lino, Mukwesu Branham kwayanda wakalubizya.” Obo mbwini. Pele Leza ta lubili. Ijwi Lyakwe tali lubili. Elyo amuyeeye buyo, ku cintu nciconya, Bbaibbele, lyakapona lumwi mu baapostolo, lila pona alubo. Oh, lilelekwe Zina lya Mwami!

<sup>254</sup> Cindi Nda yeeya kuti Ndila myaka ili makumi one alusele yakukomena, kutandila makumi osanwe, nkabela mazuba abukubusyi bwangu amana, a zimwi zimbi; kuziba kuti kuzwa ne kali mulombe muniini Nda kali cijisi eci Cisyomezya cakalelekwa, alimwi ndaka Ci lungulula ku bakwesu a bacizi bangu; a kubona zyuulu zini zya baabo bakazwa mu mudima, kuziba kuti tuya ku Muunzi wesu Uutamani, kuba balelekedwe. “Elyo ikuti na eci cilao caansi ca mwaika,” Nke tana kumana ku kambauka, “kuli umwi utulindila kutala.” Aleluya! Ku kuziba kuti kuli bantu banji bakkede awa, abo, ikuti na basiya buumi obu ndyoonya lino; katu tana konzya kutola mibili yabo kuli sikuzikka bafu, inga kabanooli mu mubili oyo wabulemu kutala, kusekelela a basalali ba Leza, bali kale mu Busyu bwa Leza, ku kupona kwalyonse. A kusimpikizigwa, kulondokede kumaninina kuti kuli boobu! Ameni.

<sup>255</sup> Oh, eco inga cabamba ba Presbyteria koongolola! Sa Munsondo, tii kwaacita? [Mbunga yaamba, “Ameni.”—Mul.] Balo bantu bakali ba Presbyteria. Nincobeni kuba, ku yeeya. Oh, ta cigambyi bantu balaba akunyanyamukwa! Baa, ikuti na waba akunyanyamukwa kuzwa ku kuuma bbola kubelesya cipulanga na kuwaala limwi mu lusabwe, kuyoinde buti ku kubamba kunyanyamukwa ku kuziba kuti wakazwa ku lufu kuyaku Buumi, kuti uli Cilenge cipya muli Kristo! Uli cizyi ku nzila ya muuya wako uku tantamuna ku munyono, a ndulwe, a bulwani, a zyonse zintu zya inyika. Elyo moyo wako ula tonkomana akati ka Kristo. Ayo nge makanze ako. Oko nkukonse nkoyeeya mu

mizeezo yako, mu moyo wako, isikati a masiku onse. Cindi wainka ku bulo masiku, a kubikka maanza ako kunze lyako, mbuli *obu*, a kulala buyo alya aku Mu lumbaizya mane woona. Wasinsimika, kuseeni, kocilumbaizya Nguwe. Ameni. Oh, ma!

<sup>256</sup> Nda kasola ku Mu lumbaizya. Lya kuseeni, twali kubuka kutandila foo okuloko, Mukwesu Wood a Ndime, kwiinka kuseeni maningi, kuya kukuvwima basikaale. Ndila Mu lumbaizya kungsi a musamu onse, Ndila syoma, Nde elede kusika. Nse konzyi kubona musamu, kakutakwe ku Mu lumbaizya. Amuyeeye, Wa kakomezya musamu oyo. Mwabona nsozi niini yakaindi kayuuluka; Walo uliizi eyo nsozi. “Oh,” yebo wati, “bufuba, Mukwesu Bill.” Oh, peepe, tacili eco. Walo ulizi awo sikaale onse mpabede. Walo ulizi awo popolekwa onse mpabede.

<sup>257</sup> Baa, ku ciindi cimwi, Wa kabulide mali, elyo Wa kati, “Petro, njeeyo nswi, kaindi kainda, yamena kkobili, liyandika buyo, mbuli mbo tu bulide. Koya kawaale kalobo mukati. Njo itumina okuya. Kagusy e kobili eelyo kuzwa ku mulomo wayo, nkaambo ta ikonzyi kuli belesya, lwayo. Koya kabbadele kwakkumi kwesu a mutelo.” Ameni.

<sup>258</sup> Alimwi mvwiki zisyonto zyainda, Nda kabona nswi niini kaijaigwa, kaili aa maanzi. Nyoonse mwa kakamvwa kaano ka njiyo. Ngooyo Mukwesu Wood, a babunyina a balo okuno ku kapeda bumboni. Eyo nswi niini kaifwide kwa cisela ca ora, aa maanzi, a zyamukati zyayo kazisomwedwe ku mulomo wayo. Elyo Muuya Uusalala mulemu waka fumpila ansi, Na kamana kwaamba, buzuba kabutana kuba, “Uya kubona bubuke bwa munyama muniini.” Elyo kuseeni kwaka tobela kutandila, aniini kumane kupasuka kwazuba, twa kabona ako kaswi kaniini, katakali kwinda kulampa *obo*. Cindi Muuya wa Mwami niwa kaseluka, a kuti, “Okaswi kaniini, Jesu Kristo waku ponya.” Elyo eyo nswi niini, yakali kwibauka aatala lya maanzi kwa cisela ca ora mu kasimpe, yakaboola ku buumi akuyamba kuzwa canguzu mbuli mbo yakakonzya. Oh, lilelekwe Zina lya Mwami. Obo Mbwali mubotu!

<sup>259</sup> Ta cigambyi Paulo wakakonzya kwaamba, kuti, “Wa kali mu bubambe bwa Melikisedeki.” Wa kali Melikisedeki. “Melikisedeki taka jisi matalikilo aa mazuba. Ta kajisi magolelo aa myaka. Ta kajisi mataliklo aa buumi na magolelo mu buumi. Ta kajisi wisi nanka banyina.” Aboobo, Ta kakozya kuba umwi umbi. Kufumbwa na Wa kalini, Walo ucipona sunumasiku. Aboobo, kuli biyo musyobo omwe wa Buumi Butamani, nkabela obo buzulilwa kuli Leza.

<sup>260</sup> Mangolezya akainda cindi ni twa kajisi mubandi, mukwesu taka konzya kumwisy trinita ya Leza, a nzila mbo tu yaamba. Obo Jesu mbwa kaimikila alya, Muntu wakali kutandila myaka ili makumi otatwe yakukomena. Elyo Wa kati . . .

Ba kati, “Oh, bamatata bakalya mana mu nkanda.”

261 Wa kati, “Elyo balo, umwi aumwi, uli fwide.” Pele Wa kati, “Ndili eco Cinkwa ca Buumi cizwa kwa Leza cizwida ku Julu, ayo muntu aalya nkabela tafwi.”

262 “Oh,” ba kati, “bamatata bakanywa kuzwa ku Mwaala mu nkanda.”

263 Wa kati, “Ndime Oyo Mwaala.” Ii Muntu wakal amyaka ili makumi otatwe yakukomena. Kati, “Abrahamu wakasekelela ku bona buzuba Bwangu.”

264 “Baa,” kati, “lino Wa amba kundaambila kuti Uli mupati mbuli Abrahamu, kakuli Tona kuba amyaka ili makumi osanwe, akwaamba kuti Wa kamubona Abrahamu oyo wakafwa kwa myaka ili myaanda ya lusele? Tu lizi lino kuti Yebo ujisi daimona lino. Uli nyongene.” Eco nce ncico. . . Eco nce ncico *daimona* nco lyaamba, “muntu uunyongene.” Kati, “Yebo ujisi daimona, alimwi Uli sondokede.”

265 Wa kati, “Katanakuba Abrahamu, NDIME.”

266 Obo Mbwa kabede. Ta kali muntu buyo, nanka kuti Wa kali musinsimi. Wa kali Leza, Leza kakkala aa nyika mu mubili wabuntu uutegwa “Jesu,” i—i Mwana wa Leza wakalifungula. Obo mbombubo Mbwa kabede.

267 Lino, tula Mu jana awa, kuti mu cibeela camamanino lino, ca kujala kwa chipati ca 2, eco Nceli kuyanda kusika, kutalikila kampango ka 16, na kampango ka 15.

*A kuba vuna . . . kwiinda i mu kuyoowa kwa lufu—kwa lufu coonse ciindi ca buumi baka rubidwe mu bwaange.*

Eco ncakaamba kuti Jesu nca kacita, kuti Wa kasika kuzoba vuna kuzwa ku bwaange, abo bakali mu kuyoowa kwa lufu cindi cabo conse ca buumi.

268 Lino taku yandikani kuyoowa lufu. Lino, mubwini, tula cita; swebo, taakwe wesu uyanda, nko twiita kuti, *kufwa*. Pele sena mulizi na kuti muntu wakazyalululwa ta konzyi kufwa? [Mbunga yaamba, “Ameni.”—Mul.] Mbobuti mbwa konzya kuba a Buumi Butamani elyo mpawo kufwa? Ta konzyi kucicita. I cintu luzutu olo ndufu, bbala *lufu*, lyaamba, “kwandaanya.” Lino uya kupambuka kuzwa ku busyu bwa meso esu. Pele lyoonse uli mu Busyu bwa Leza, alimwi lyoonse uyooba. Aboobo, lufu tacili cintu ciyumu. Lufu ncintu cabulemu. Lufu ndu lututola mu Busyu bwa Leza.

269 Pele lino, mubwini, swebo, mukuba bantunsi, tu leenda mu tuntutu otu tusiya awa, ta—ta tucimvwisiyi mbuli mbo tweelede. Elyo, mubwini, cindi kucisa kwanguzu kusika kwa lufu lwaboola, kubamba basalali maningi besu kuyoowa a kubweeda. Lwa kabamba Mwana wa Leza kwaamba kuti, “Sa aka kanywido inga kainda?” Ncalo ncintu cibbi. Muta cimvwi kulubila. Nkaambo swebo. . . Calo ncisubulo ca cibi, lufu mbolubede, alimwi ceelede kuba cibyaabi.



Pele ikuti na twa konzya kulanga biyo kwindilila cisitilisyo, kulaale, nkooko nko cibede. Alelekwe i Mwami! Kwiindilila buyo cisitilisyo, nko nkuko muntu kwayandisya kulanga sunumasiku. Anna Mae Snelling muniini abamwi bakali kunga balaimba lwiimbo okuno, “Mwami, Ndi Lekele Kulanga Kwinda Cisitilizyo Ca Ciindi.” Onse muntu uyanda kubona ceeco.

<sup>270</sup> Lino, lino mpaawa mpo tubede, mu kampango ka 16. “Nkambo ncobeni Wa kabweza . . .”

*Nkambo ncobeni ta kamusamika, atala ali nguwe bube bwa baangelo; pele wa kamusamika kuba lunyungu lwa Abrahamu.*

<sup>271</sup> Oh, tu yanda kujatilila ali ceeco alubo lino. Lino tu boola ansi eni kujana . . . Nkaambo, cibeela citaanzi ca chipati eci ca 3, cibeela camamanino ca ncico, cilasangana mukati aali “obo buzuba bwa sabata,” bwa Munsondo omu muboola.

<sup>272</sup> Lino amulangilile.

*. . . ta kasama . . . bube bwa baangelo; . . .*

Lino, ino “Nguni,” ngwa kanana? Kristo. Nguni Kristo? Leza, Logosi wa Leza.

<sup>273</sup> Lino andi pandulule eci alubo, kutegwa mube kasimpe. Leza tali Baleza botatwe. I triniti ya Leza Njimwi. Taata, Mwana, Muuya Uusalala, ta zyaambi kuti kuli Baleza botatwe bandeene. Ikuti na kuli obo, inga twaba bahedeni. Ako nkekaambo ba Juda ncoba takonzyi kumvwisya. Kwiina nikwa kayiisigwa mu Bbaibbele. Lino, kwa kayiisigwa mu mbungano ya Katolika, nincobeni, nkooko lubbizyo lwabutatu nkolwa kazwida.

<sup>274</sup> Mu Africa bala bbizya ziindi zzyotatwe busyu kunembo: lomwi lwa Leza i Taata; lomwe lwa Leza i Mwana; lomwe lwa Leza i Muuya Uusalala. Lino, obo mbulubizi. Takukwe kuyiisya kuli obo kwa ceeco mu Bbaibbele. Mwabona?

<sup>275</sup> Elyo lino, eco—eco ncoba kayiisya. Ca kaselemuka muli Luther; kuzwa muli Luther, muli Wesley; kuya buselemuka mu makkalo mbuli mbwa kali pumbulika. Pele tii kwakali kuyiisya kwa Bbaibbele. Lyonse bwakali bulubizi, kuzwa nilwa katalikwa.

<sup>276</sup> Lino, aboobo, Leza wakali kumatalikilo. Kakutanaba mumuni uli onse, kakutana sola kuba atomu, kakutana sola kuba nyenyeezi, kakutana kuba cintu cimwi ciboneka, Leza wakazuya mwaakwe oonse. Alimwi muli Oyo taakwe cita kunjoloma: luyandisyo lunjoloma, busalali bunjoloma, bululami bunjoloma. Wa kali Muuya. Wa kali kuvumba onse mwaakwe konse kuzwa ku Butamani, oko nko tu takonzyi ku Bu mvwisya. Bula indilila kuli conse nco tu konzya kwezeezya.

<sup>277</sup> Mbuli kwinda mu gilazi eyo, inga twa bona ii—ii myaanda aimwi yamyaka ya mwaakwe wa mumuni. Amu ciyeeye. Ii myaka ya mamilioni amyaanda iya mwaakwe wa mumuni.

Alimwi mumuni—mumuni uleenda kutandila mamaile ali zyuulu mu kavwalu komwe. Alimwi myaanda a myaka ya mamilioni a mwaakwe wa mumuni. . . Amuyeeye buyo kuvula kwa mamamile ali mamilioni oko mbukunga kwaba. To konzyi nokuba ku cibbika mu ciiminizyo ca myeelwe. Inga watola buyo munkali wa manaini a kuceenzya kuzunguluka Jeffersonville, elyo nekuba inga kotana konzya ku cipasaula mu mamaile a mamaile. Amu ciyeeeye. Elyo kwiindilila oko kucili nyenyeezi a mapulaneti. Elyo Leza, kakutanaba cimwi cazyo, Wa kaliko. Mwabona?

278 Elyo lino Logosi eyo yakazwa kwa Leza, eyo yakali i—i Logosi, koonse oku kwakatalika kupanga ii—ii bupange bwa mubili. Elyo obu bupange bwa mubili bwakategwa, mu kuyiisya kwa sicikolo mupati, Logosi, Logosi eyo yakazwa kwa Leza. Mu majwi ambi, ii—ii bbala mbotu kuli njiyo, yakale eyo njo twiita kuti theofani. (Theofani mubili wabuntu waka pegwa bulemu.) Kutali kwini a buntu mbuli mbunga waba mu ciimo cakupegwa bulemu, pele ngwa ciwa ca mubili wabuntu oyo uutalyi, nanka kunywa, pele walo—walo mubili, mubili oyo utu lindila kufumbwa biyo twa usiya oyu umwi. Lino, omuya, tula njila mu mubili oyo. Alimwi oyo ngo musyobo Leza mbwa kabede, nkambo Wa kati, “Atu pange muntu mu cinkozye cesu abe mbubonya mbuli ndiswe.”

279 Lino, cindi muntu nakaba mu mubili oyo, waka jisi bwendelezi kunswi zyonse, a bayuni, a—a banyama na bamusokwe. “Elyo mpawo kwakanyina muntu wakupanda bulongo,” Matalikilo 2. Wa kabamba mweenze a muzyazi, pele kwakanyina muntu wakupanda bulongo.

Mpawo Leza wakapanga muntu kuzwa kusuko lya nyika. Wa kamupa janza mbuli ii—mbuli chipanzii. Wa kamupa cituta mbuli ca masekese. Wa kamupa, Wa kamubamba, aa cinkozya. Elyo oyu mubili wanyika uli mu cinkozya ca buumi bwa munyama, alimwi wakabambwa kuzwa ku musyobo wacipanzyo comwe. Mubili wako ubambidwe buyo ku musyobo nguonya wa cipanzyo mbuli mbizi, na mubwa, na cili conse mbuli eco. Wa kabambwa kuzwa ku kkaushiamu, potashi, petroliamu, mumuni wa kkosimiki. Uli buyo uta. . . Yoonse mibili mbuli oyo taili mibili njionya; walo mubili wandeene, pele wa kabambwa kuzwa kusuko lya nyika oko nkowa kazwida.

Pele, lwandaano kati ka munyama a muntu, Leza wakabikka buntu mu muntu, nkabela Ta kabubikka mu munyama pe. Nkaambo, buntu obo bwakali mu muntu ngu theofani eyo.

Oh, Ndi—Ndi, Nse kokonzya kusika ku i. . . ciyy eci, pele Nde elede kubweza ceeci.

280 Amulange. Sa tamu yeeye cindi Petro nakali mu ntolongo, nkabela Angelo wa Mwami wakasika a kujula milyango?

281 Twa kali kwiinda mu supamaaketi kutala okuno, buzuba bumwi, nkabela mulyango wakajuka kumbele lywesu. Nda kati, “Yebo ulizi, Bbaibbele lyakali jisi eco lutaanzi.” Mwabona? Lino, kuzembaana, mulyango, ula licitila ulikke.

282 Elyo cindi Petro nakazwa, keenda a balindizi aba, bakali ofweede kuli nguwe. Wa kaina mulindizi wamukati, mulindizi waanze, kuzwa kuya mu lubuwa, kwinda mu bwaanda, kuzwa kuya mu kagwagwa. Elyo taakwe wabo wakaziba kuti wa kalini. Elyo tiiba kabikkila kumwi. . . Ba kali kuyeeya kuti wa kali mulindizi umbi na cintucimwi. Ba. . . Wa kaindilila buyo, nkabela mulyango wakajuka aulikke, mbuli mbwa kali kuzwa, a kujala kunze. Elyo cindi nakasika okuya, wa kayeeya kuti wa kali kulota. Elyo wa kaselemukila ku ng’anda ya Johane Marko, oko nkoba kajisi muswaangano wa mipailo. Elyo wa kakonkomona. . . [Mukwesu Branham wakonkomona a cikambaukilo. Kabeela katakwecintu aa teepu—Mul.] . . . kuba akati kanu.

283 Oh, Ngwa bulemu. Walo mubotu.

Lino, oh, *ta* kabambwa mu *i* ciwa *ca* angelo; *pele wa kasama* . . . *kuba lunyungu lwa Abrahamu*. Leza wakaba *lunyungu lwa Abrahamu*.

284 Lino, ni twali jisi ciindi, caku jokela a kutondezya obo Mbwa kacicita mu Cipangano! Mwa kandimvwa kukambauka ali ncico, ziindi zinji, obo mbwa kabweza abo banyama a kubatendaula, a kuwaala nziba a nkwilimba mukati. Mpawo wa kalanga, elyo wa kabona busi buniini, kusiya kuyoosya kapati, lufu. Litobela, bbila lisuka busi, gehena. Pele, kwiindilila ceeco, kwa kayutuka Mumuni muniini uutuba. Alimwi oko kutuba kuniini kwakaunka akati ka cibeela acimwi ca cituuzyo eci cakatendwa, kutondezya eco Nca kali kuyo cita. Alimwi Wa kabweza cikonke, cindi Na kacita ceeco, nkabela Wa kalemba Cipangano, kutondezya eco Nca kali kuyo cita.

285 Elyo Walo, Jesu Kriso, wakasika ku nyika; Leza, *Emanuleli*, “Leza mu mubili.” Elyo aa Kalivari, Wa ka zapaulwa. Elyo Muuya Wakwe wakajokela aa Mbungano. Elyo mubili Wakwe waka sumpulwa kujulu a kukkala aa Cuunocabwami ica Leza.

I Cuunocabwami ica Leza! I Umwi uli aa Cuunocabwami ngo Mubetesi. Tu lizi obo. Ee, luli kuli Lubeta? I Taata wakapa. . . Ta beteki muntu naba omwe. Pele Taata wakapa lubeta lonse ku Mwana. Aboobo Mbwa bede. Alimwi Buumi Bwakwe mbwa Mupaizi Mupati, ukkede alya a mubili Wakwe wini, mbuli cituuzyo, kukulombela kulilekelela kwesu. Ameni. Mukwesu, eco cibikka cintucimwi muli nduwe.

286 Amubone, “Wa kaba Lunyungu lwa Abrahamu.” Wa kaba Muntu. Leza, wakaba mu mubili akati kesu, kuti katunununa. Mu majwi ambi, Leza wakaba cibi, kuti swebo basizibi tube basizyaabilo Bakwe. Elyo cindi twaba acaabilo Cakwe, tuba

a caabilo Cakwe. . . Twa kali bantu ba mwaakwe, makumi ali otatwe ali kkumi. Elyo Leza wakaseluka a kuba umwi wesu, makumi otatwe ali kkumi, ku ciindi Cakwe cabikkidwe, kutegwa tube acaabilo ca Buumi Bwakwe Butamani. Elyo cindi twa zyalululwa, tuba bana balombe a basimbi iba Leza, a kuba a Buumi Butamani, nkabela tatu kalobi.

Oh, ino ii—ino ii—ino Mufutuli ulelekedwe! Oh, takukwe nzila ya kucilemba. Takukwe nzila ya kucipandulula. Ta cikwe bupandulule nconzyo. Taakwe umwi ukonzya kupandulula mbo Cili cipati. “Obo Mboli mulemu! Obo Mboli mulemu!” kuli luleme.

*Nkambo kaako mu zintu zyonse wa keelelwa kubambwa mbuli babunyina Bakwe, . . . (Amuciyeeye eco.) . . . kutegwa kaba mupaizi mupati siluse a usyomeka mu zintu zyonse zya Leza, . . . (Amuswiilile kuli ceeci.) . . . ku kubamba luyanzano . . . i cibi ca bantu.*

Ku kuyanzanya, lino, Leza, mukuziba kulanganya kululeme, kacita kuba a kulanganya kutaluleme, kuti amvwe mbo cakabede kuba sizibi, kupilukila ku kuyanzana, kwiinda mu “luyanzano,” a kuba aluse ku bantu.

287 Kampango kacilila, amuswiilile kuli Ndilyo awa.

*Nkambo omo walo mwini waka penga . . .*

288 Leza taka konzya kupenga mu Muuya. Wa kacita kuba mubili, ku kumvwa kucisa kwa bulwazi, ku kumvwa sunko lya cisusi, kumvwa sunko lya kuyanda, ku kumvwa sunko lya nzala, ku kumvwa nguzu zya lufu. Kuti Walo kakonzya kucibweza ali Nguwe kukwiimikila mu Busyu bwa Jehova Muuya mulemu, kutali Muntu; Muuya, ku kubamba kukombelezeyza ku buumi obu. Elyo Jesu wakabweza eco, kutegwa kabamba kukombelezeyza kwesu, nkambo Uli zyi mbo lumvwika. Cindi wa ciswa, Uli zyi mbo limvwa. Cindi wa sunkwa, Uli zyi mbo limvwa.

289 Lino, sena mwakasola kuziba cindi notu vootela muleli, onse mulimi uya kuvootela muleli wakali mulimi, nkambo uli zyi cibeela ciyumu ca buumi bwa balimi. Mwabona? Walo uyanda muntu oyo umvwisya.

290 Alimwi Leza katana konzya kusola kumvwisya; Walo mukuba obo Busalali bulemu. Obo Mbwa kakonzya kusola kumvwisya, Na kamana kupa mulandu ku muntu? Ku busalali Bwakwe, Wa kapa mulandu ku muntu. Alimwi nzila ilikke Njaya kusola kuziba nzila ya kululamika muntu nkuba muntu.

291 Elyo Leza wakavunikila nakalindu nkabela waa kazyala mubili, kutali bulowa bwa Cijuda, kutali bulowa bwa Munamasi, pele Bulowa Bwakwe Mwini. Leza wakalenga Bulowa, kakutakwe nkwela muli konse, kwalo pee, kakutakwe kuyanda kwankwela. Alimwi eli Seelo lya Bulowa, lwakalengwa

mu luzyalilo lwa mwanakazi oyu, wakazyala Mwana. Elyo cindi Na kabbizigwa a Johane Mubapatizi, Johane wakati, “Nda pa bulunguluzi, mukubona Muuya wa Leza (mbuli nziba) kuuseluka aku kkalilila ali Nguwe.”

<sup>292</sup> Ta cigambyi kuti Jesu wakakonzya, kuteeti, “Zyonse inguzu ku Julu aa nyika zyapegwa mu janza Lyangu.” Leza a muntu bakaba Bomwe. Majulu a a nyika zyaka bukatana, alimwi Wa kali Nguwe wakakonzya kupa luyanzano lwa cibi cesu. Ako nkekaambo, mu Zina Lyakwe, kuponesegwa kula citika. Uli kuzyi kucisa kwanu.

<sup>293</sup> Sa mwakasola kukamvwa aka, kaimbo kakaindi?

Jesu uli kuzyi kucisa nkomvwa, Ula konzya  
kukufutula alimwi Ula konzya kukuponya;  
Tola mukuli wako ku Mwami a kuusiya okuya.

Mbo mbubo. Uli zyi.

Cindi mibili yesu ya penzegwa a kucisa, alimwi  
nseba zyesu zyakakilwa kubukuluka,  
Koyeeya buyo kuti Leza ku Julu ulaingula  
mipailo;  
Jesu uli kuzyi kucisa nkomvwa, Ula konzya  
kukufutula alimwi Ula konzya kuponya;  
Tola mukuli wako ku Mwami a kuusiya okuya.

<sup>294</sup> Nko koonse Nkwa lombwa, “Kousiya buyo okuya.” Nkaambonzi? Walo Mupaizi wesu Mupati wiimvwi awa, oyo uzyi mbo limvwa. Alimwi Uli zyi nzila yaku kuyanzanya kujokela ku luzyalo, a nzila yaku kujosya ku nseba yako. Uli zyi konse kujatikizya nkuko; Wa kapenga. Cindi nota jisi busena bwakulazikka mutwe wako; Wa kali kujisi nkukonya. Cindi nojisi kucinca komwe kwa zisani; Wa kali kujisi nkukonya. Cindi wafubaazigwa, kupenzegwa; Wa kali kujisi nkukonya.

<sup>295</sup> Swiilila ku kampango kamamanino lino. Yaa.

. . . ula konzya kugwasya abo basunkwa.

Na, mu majwi ambi, Ula konzya *kukwabilila* abo, ku *gwasya* abo, kubamba abo. . . *kweetelela* a mbabo. Nkaambo, Leza Mwini wakaba muntu, kutegwa a kumvwe.

<sup>296</sup> Sa mula yeeya, busiku bumwi, sena tii twa kayiisya ali ceeco? Obo Leza mbwa kacita ku. . . Lufu lwaka jisi lumoola muli ndulo, kuyoosya muli ndulo. “Onse mazuba abo bakali mu bwaange kujatikizya olu *lufu*.” Elyo mpawo Jesu wakasika, kutegwa Ka gusya olo lumoola lwa lufu.

Elyo cindi Na kali kutanta mulundu, sa mula yeeya mbo twa kacipandulula? Twalo tudomwi tuniini tusubila aa bbaki Lyakwe, kwiinde kaindi toonse twa kaba kadomwi komwe kapati, a kupoomona Bulowa kuzunguluka Nguwe. Mubili Wakwe, muniini wakali abutyole, Ta kakonzya kuya ambele,

nkabela Wa kawa. Simooni muna Kureni, muntu uusiya, waka Mu gwasya kuyumuna ciingano kutanta cilundu.

Elyo cindi Na kagagailwa mpikili aa ciingano, nkabela Wa kakwiilila maanzi. Kufumbwa muntu uuzwa malowa uyandikana maanzi.

<sup>297</sup> Amuyeeye cindi Ne kakambauka busiku bumwi aali “I munyama diya, insya kaifwa nyota ya maanzi aku kalonga, mbubonya muuya wangu ufwekembela Nduwe, O Leza”? Ikuti na munyama diya wayaswa kacipona, kasweekelwa bulowa, weeledede kunywa maanzi nape uyoofwa.

<sup>298</sup> Nda kadubulwa, kumusanza mu muunda, cindi Ne kali myaka ili kkumi ayone yakukomena. Alimwi Nda kali lede alya. Maulu angu akabbotolwa ali ndime, mbuli hambaga, kuzwa ku shootigani ya musela wa 12. Elyo Nda kakwiilila maanzi, “Oh, mundipe akunywa!” Nda kaba a cinywe; milomo yangu yakaba a cinywe.

<sup>299</sup> Mulongwe wangu wamunsi wakazuzila ku ciziba cakaindi, caka jisi misyobo yonse ya zivunyangula ziniini zyakaindi, cilobe. Nda kanyina ndaba ambwa kabede. Elyo wa kacizuzya maanzi, elyo Nda kajula mulomo wangu, alimwi wa kasina ngowani yakwe mbuli *boobo*, mu mulomo wangu. Inzya, Nda kacita kuba a maanzi.

<sup>300</sup> Wa kali kuzwa malowa. Wa kati, “Amu Ndipe akunywa.” Elyo baka Mu pa viniga mu cintu cinyonka maanzi, nkabela Wa kaukaka, a kuutakata. Wa kali Kabelele ka Leza mu busena bwesu, ku kuleta luyanzano ku muntunsi. Ino cakali cinzi? I Leza waku Julu.

<sup>301</sup> Billy Sunday lomwe wakaamba, kuti, “Acimwi citeo caka jisi Baangelo kaba kkedede muli ncico, kwaamba kuti, ‘Kosomona buyo janza Lyako a kutondeka mutwe Wako, Tula cinca ciimo.’”

<sup>302</sup> Eyo nkamu ya basinciki iya basikwiindilizya ba, babukombi, bakali kutegwa basicikolo bapati bakayiide baka jisi D.D., Ph.D., keenda munsi Lyakwe a kuti, “Lino, ikuti na uli Mwana wa Leza! Wa kafutula bamwi; yebo tokonzyi kuli futula. Koseluka kuzwa ku ciingano, nkabela tuyo kusyoma.”

<sup>303</sup> Tiiba kabazyi kuti bakali ku Mu lumbaizya. Na kakonzya kulifutula Mwini. Pele ikuti Na kalifutula Mwini, bamwi Na takakonzya kubafutula. Aboobo, Wa kalipa Mwini. Lilelekwe Zina Lyakwe. Wa kalipa Mwini, kuti Nke konzya kufutuka a yebo kukonzya kuutuka. Oh, ino nduyandisyo lutakwe bweezyanisye!

<sup>304</sup> Ta keelede kuciswa. Oyo mubili muyandisi wakazyalwa kuli nakalindu tiiwa keelede kuciswa. Pele Wa kaciswa, kutegwa Ka konzya kuziba nzila ya kukombelezeya ndime cindi Ne kacisidwe.

<sup>305</sup> Ta keelede kudekela, pele Wa kadekela. Nda kabala makani akali masyoonto ciindi cimwi ali nkuko, Ta ndizi na aka tondezegwa kuba kasimpe na pe. “Cindi Na kabusya oyo musankwa wakali kuzwida ku Naini okuya, kuzwa ku bafu, Wa kakkala aa mwaala a kutongela kukucisa kwamutwe,” nkaambo Wa kacita kuyumuna malwazi esu.

<sup>306</sup> Wa kacita kuyumuna zibi zyesu, elyo mpaawo Wa kafwa, alimwi aa Kalivari cindi eyo nzuki yakaindi a lufu nilwaka simpa lumoolwa lwalo ciindi cimwi. Uli onse ulizi, cindi nzuki yasimpa lumoola lwayo, tai cikonzyi kuluma limbi. Cindi nzuki yauluka kuzwa na kauka kali konse ako kaluma, cindi kasimpa lumoola lwako, kala simpula lumoola. Walo ucili nzuki pele ta cijisi lumoola. I cintu luzutu nca konzya kucita nku nzwiima a kupanga coongo cinji.

<sup>307</sup> Eco nce cintu luzutu lufu ncolu konzya kucita ku musyomi, nkupanga coongo cinji. Pele, aleluya, lilelekwe Zina lya Mwami, Wa kasimpa olo lumoola lwa lufu mu mubili Wakwe wini. Emanueli waka cicita. Wakabuka alubo, aa buzuba bwatatu, wakasomona lumoola alya, nkabela Ta fwiki sunumasiku. Elyo Muuya Wakwe uli mu buyake obu, alimwi Ula litondezya Mwini kuti ulapona akati kesu. Oyo ngu Mesiya wesu. Oyo Mufutuli wesu ulelekedwe.



*BAHEBRAYO, CHIPATI CABILI* 3 TNG57-0828  
(Hebrews, Chapter Two <sup>3</sup>)

MATOBELANWA AA BBUKU LYA BAHEBRAYO

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa Bwatatu mangolezya, Iwivwi 28, 1957, ku Branham Tabernacle mu Jeffersonville, Indiana, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2021 VGR, ALL RIGHTS RESERVED

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)



## Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubelesegeka kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)